

PWYLLGOR APELAU

Dydd Gwener, 11 Hydref 2019
(Wedi'i ohirio i'r 16eg Hydref 2019)

YN BRESENNOL: Y Cynghorydd J.K. Howell (Cadeirydd)

Y Cynghorwyr:

S.M. Allen, K.V. Broom, J.K. Howell, D. Jones and E. Morgan

Yr oedd y swyddogion canlynol yn gwasanaethu yn y cyfarfod:

S. Murphy, Uwch-gyfreithiwr

J. Stuart, Uwch-Bartner Busnes (Adnoddau Dynol)

K. Thomas, Swyddog Gwasanaethau Democrataidd

Ystafell Pwyllgor 2, - 3 Heol Spilman, Caerfyrddin. SA31 1LE. - 9.45 yb - 5.00 yp

1. YMDDIHEURIADAU AM ABSENOLDEB.

Cafwyd ymddiheuriad am absenoldeb gan y Cynghorydd D.Williams.

2. DATGAN BUDDIANNAU PERSONOL.

Ni chafwyd dim datganiadau o fuddiant.

**3. UNRHYW FATER ARALL Y GALL Y CADEIRYDD OHERWYDD
AMGYLCHIADAU ARBENNIG BENDERFYNU EI YSTYRIED YN FATER BRYD
YN UNOL AG ADRAN 100B(4)(B) O DDEDDF LLYWODRAETH LEOL, 1972.**

Nid oedd dim materion bryd i'w trafod.

4. DDIM I'W GYHOEDDI

PENDERFYNWYD YN UNFRYDOL yn unol ag Adran 100A(4) o Ddeddf Llywodraeth Leol 1972 na fyddai'r cyhoedd yn cael aros yn y cyfarfod tra oedd yr eitem ganlynol yn cael ei hystyried, gan fod yr adroddiad yn datgelu gwybodaeth eithriedig fel y diffiniwyd hynny ym Mharagraff 13 o Ran 4 o Atodlen 12A i'r Ddeddf (fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) 2007), sef gwybodaeth a fyddai'n debygol o ddadlennu enw unigolyn.

5. YSTYRIED APEL YN ERBYN DISWYDDO - PRIF WEITHREDWR

Ar ôl cynnal prawf budd y cyhoedd, **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 4 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddid yn datgelu gwybodaeth eithriedig a fyddai'n debygol o ddatgelu pwy yw'r unigolyn dan sylw.

Yr oedd y prawf budd y cyhoedd mewn perthynas â'r mater hwn yn ymwneud ag enw'r apelydd a manylion personol eraill, sef data personol yn unol â'r diffiniad yn Adran 1 o Ddeddf Diogelu Data 1998. Nid oedd y mater a fyddai'n cael ei ystyried gan y Pwyllgor yn fater budd cyhoeddus. Byddai datgelu'r wybodaeth oedd yn yr adroddiad yn annheg ac yn groes i hawl yr apelydd i gael preifatrwydd. Felly ar ôl cloriannu'r mater, yr oedd y budd i'r cyhoedd o ran cadw cynnwys yr adroddiad yn gyfrinachol yn drech na'r budd i'r cyhoedd o ran datgelu'r wybodaeth.

Estynnodd y Cadeirydd groeso i'r cyfarfod i'r apelydd a'i gynrychiolydd undeb llafur, ynghyd â'r Swyddogion Ymchwilio a Chomisiynu penodedig, ac amlinellodd y protocol y byddid yn ei ddilyn wrth wrando ar yr apêl (roedd copïau o'r protocol ym mhecyn yr agenda.)

Aeth y Pwyllgor yn ei flaen i gael tystiolaeth gan y Swyddog Comisiynu, ei thyst ac un o dystion yr apelydd.

(NODER: gohiriwyd y cyfarfod gan y Pwyllgor am 12.45pm am ginio ac ailymgynnullwyd am 1.30pm)

Yn dilyn y toriad, cafodd y Pwyllgor ragor o dystiolaeth gan yr apelydd a thyst. Cafodd y ddwy ochr gyfle wedyn i groesholi ynghylch y dystiolaeth a roddwyd ac i grynhoi. Ar ôl gwneud hynny, gadawodd y ddwy ochr y cyfarfod tra oedd y Pwyllgor yn ystyried y dystiolaeth a'r sylwadau a gyflwynwyd.

Galwodd y Pwyllgor bawb yn ôl i'r cyfarfod i ddweud gan ei bod hi mor hwyr (5.00 p.m.), fod y cyfarfod i'w ohirio hyd at ddyddiad ac amser i'w cytuno yn yr wythnos yn dechrau 14 Hydref, pryd y byddai'n cwrdd eto i drafod y dystiolaeth a'r sylwadau a gyflwynwyd er mwyn dod i benderfyniad. Wedyn byddai pob parti yn cael gwybod am y penderfyniad yn ysgrifenedig.

PENDERFYNWYD YN UNFRYDOL fod y cyfarfod yn cael ei ohirio hyd at ddyddiad ac amser i'w cytuno yn ystod yr wythnos yn dechrau 14 Hydref, 2019.

Y CYFARFOD A AILYMGYNNULLWYD

Roedd y Pwyllgor wedi ailymgynnull yn Ystafell Pwyllgorau 2, 3 Heol Spilman, Caerfyrddin ddydd Mercher 16 Hydref, 2019 am 2.00 p.m.

Yn Bresennol: Y Cynghorydd K.Howell (Cadeirydd)

Cynghorwyr: S.M. Allen, K. Broom, D. Jones ac E. Morgan

Roedd y Swyddogion canlynol yn bresennol yn y cyfarfod:-

S. Murphy – Uwch-gyfreithiwr

J. Stuart – Uwch-bartner Busnes (Adnoddau Dynol)

K. Thomas - Swyddog Gwasanaethau Democrataidd

(Ystafell Bwyllgorau 2, 3 Heol Spilman, Caerfyrddin - 2.00 p.m.– 4.00 p.m.)

Bu i'r Pwyllgor, yn unol â'i benderfyniad cynharach, ailymgynnull i ystyried yr holl dystiolaeth a gyflwynwyd, ynghyd â'r sylwadau a wnaed gan yr apelydd a'i gynrychiolydd a'r Swyddogion Comisiynu ac Ymchwilio:-

PENDERFYNWYD

5.1 Bod yr honiadau yn erbyn yr apelydd wedi eu profi

5.2 Ar sail yr amgylchiadau lliniarol a gyflwynwyd

- **bod yr apêl yn cael ei chadarnhau, gan roi rhybudd ysgrifenedig terfynol,**
- **bod penderfyniad y Gwrandawriad Disgyblu a gynhaliwyd ar 27 Mehefin, 2019 i ddiswyddo'r apelydd yn cael ei ddiddymu a bod yr apelydd yn cael ei adfer i'w swydd o'r dyddiad hwnnw**

5.3 Hysbysu'r apelydd yn ysgrifenedig am y dyfarniad yn llawn.

CADEIRYDD

DYDDIAD